



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

Dvb. 1. Vtrū[m] liceat occidere aliquid viue[n]s.

[urn:nbn:de:hbz:466:1-72459](https://nbn-resolving.de/urn:nbn:de:hbz:466:1-72459)

Secundò Postquam Religiosus sua libertati restitutus est, fraude detesta, vel vi laxata, abductorem non teneri in posterum; sed solum pro eo damno, quod datum est interim dum vis vel fraus durabat. Ratio est, quia in posterum non censeretur causa damni, sed ipse Religiosus nolens redire.

Religiosus non tenetur ex iustitia procurare illa emolumenta; sed solum ex virtute obedientiae & religionis; vt docet laborare ex iustitia, sed contra iustitiam conquerere, ex virtute religionis.

18 Altera pars probatur; Quia Religiosus non tenetur ex iustitia procurare illa emolumenta; sed solum ex virtute obedientiae & religionis; vt docet laborare ex iustitia, & commoda Monasterij conquerere, ratione peccat contra iustitiam. Ergo is qui illi suaderet absque vi & fraude vt non procuret, non peccat peccato iniuria in Monasterium, sed peccato irreligionis. Si enim ipse Religiosus non facit propriè iniuriam nolendo laborare, cum tamen sit principalis auctor damni; ergo neque consulitur, cum solum teneatur secundari.

Dices Primo, Iste facit iniuriam Religioni, dum suader egressionem, & ex hac iniuria sequitur damnum: ergo tenetur de damno.

Resp. Primo, Non esse iniuriam, quæ sit contra Iustitiam, sed contra virtutem Religionis; cuius violatio non obligat ad restitutionem.

19 Resp. Secundo, & melius, Etsi sit iniuria in Religionem, suadere Religioso egressum; non tamen sit iniuria suadere otium, vt illa commoda non procuret. Ac proinde suadet iste non tenetur ad illius damni vel incommodi sartionem.

Confirm. ex facto ipsis Religiosis, hic enim etsi faciat iniuriam Religioni egrediendo, & ex hac iniuria sequatur damnum: tamen ad compensationem damni illius non tenetur. Ratio est, quia etsi egredi sit iniuria; non tamen nolle procurare vilitatem temporalem est iniuria, eò quod non teneatur ad hoc ex iustitia, sed solum ex obedientia. Vnde non omne damnum sequens ex iniuria obligat ad restitutionem; sed solum illud quod ita sequitur, vt per ipsam actionem sequens.

iniurias inferatur, quod h̄c non cernitur, quia quamvis suadere egressionem sit iniuria, quatenus est causa egressionis; non tamen respectu damni secuti, co quod hoc damnum immediate ex libera voluntate Religiosi, non ex suacione illa dependet.

Dices Secundò, Si quis seruo suaderet ne laboret, teneretur ad restitutionem domino: similiter si seruo emptio suaderet fugam, ergo etiam qui monacho suader fugam vel otium.

Respondeo, Qui tali seruo sualit fugam, effectu

secuto, tenetur ad estimationem serui; in quam veniunt etiam commoda ab illo sperata. Ratio est, quia serui est principaliter ad commodum domini: imò quatenus est utilis ad temporalia, est possessio domini, sicut iumentum. Vnde si scipsum domino subtrahat, furtum sui commitit, & tenetur ad sui restitutionem: vt supra cap.4. Dubit. 9. dictum est. Secundò est in Religioso, quia Religiosus non est principaliter propter commodum temporale Praelati, vel Religionis; sed ob suum bonum spiritale: propter hoc enim le Religioni sponte mancipauit. Vnde non possidetur a Praelato tamquam serui; sed subiect tamquam filius in suum commodum, vt ad suam salutem recte dirigatur. Quod si quis seruo suaderet, non quidem fugam, sed otium & cessationem ab operibus*suadens seruo otium.* iniunctis; etsi graniter peccaret, non videretur tamen peccare contra iustitiam, nec teneri ad restitutionem: quia nec ipse seruus dedens se otio videtur contra iustitiam peccare; sed contra obedientiam domino suo debitam. Non enim actiones serui sunt debitæ domino lege iustitiae, sicut mercenarij, qui premium pro illis accipiunt: nec cogitur in foro conscientia compensare, etsi negligenter laborauit: sed eo Iure debentur, quo seruus teneatur obediens domino. Itaque cum principalis auctor & executor non teneatur; etiam non tenebitur suadet. Posset tamen talis tamquam corruptor serui puniri.

C A P V T N O N V M.

De iniuriis in corpus proximi per homicidium vel mutilationem, & de necessaria restitutione.

Habet Dubitationes 26.

D V B I T A T I O P R I M A.

*V*irum liceat occidere aliquid viuens. D.Thomas q.64.art.1.

I
Manichaeum error.
RESPONDET VR affirmatiue. Notandum, Manichæos negasse animantia aut plantas interimi posse; quod omnes animas putarent esse quasdam Dei particulæ, vt refert D.August. lib.1. de Ciuitate, cap.20. & lib.de hæres. cap.46. Sed fide tenendum est, homines in suis vsu animantia & plantas posse interimere. Probatur Genes. 1. Ecce dedi vobis omnem herbam adferentem semen super terram, vt sit vobis in escam. & Gen.9. post diluvium conceduntur animantia, & omnia viuentia in cibum. 1.ad Corinth.10. Quidquid venit in macellum, manducate, nihil interrogantes propter conscientiam. Denique ipse Dominus manducavit agnum Paschalem, quem ante oportuit occidere. Idem definitum est in Concilio Bracarense 1.c.14. vbi haec hæres damnatur. Ratio est, quia homo naturaliter est dominus omnium rerum inferiorum, iuxta illud Gen.1. Dominamini piscibus maris. & vo-

& volatilibus celi, & uniuersis bestiis terre: ergo potest eas in suum usum convertere. Confirmatur; quia non potest homo ali elementis simplicibus, ut terra, aqua, &c. ergo compositis, qualia sunt animalia & plantae, quae sine anima non possunt conservari, sed mox corrumpuntur: vnde anima est ipsi data instar salis conservantia à putredine, (vt recte dixit Philo) vt homo possit illis vivi, cum liberetur.

² Aduerte tamen, et si liceat animantia occidere, abstinentiam tamen à crudelitate, ne sine causa doloribus conficiantur: vnde Proverb. 12. Novit iustus iumentorum suorum animas, viscera autem impiorum crudelias. Exodi 23. Deus præcepit diem sabbati, etiam propter quietem iumentorum. Ionæ vlt. Parcit Ninive, tum ob homines, tum ob iumenta. Deut. 22. Non arabis simul in bove & asino: ne vide licet totum iugum in asinum decidat; cum sit minor, & cap. 25. Non alligabis os bovi tritauri. Nec obstat quod Apollonius hunc locum adferens dicat, Numquid de bobus cura est Deo? vult enim dicere, hoc non esse principaliter scriptum propter boves, sed ob tem significatam: secundario tamen, etiam ut animantia cum ratione tractentur.

Hinc patet Primo, Posse in hac re esse peccatum, falso veniale, est enim abusus quidam potestatis herilis, & dominij. Secundo, quanta sit suavitas diuini spiritus, etiam in creaturas ratione carentes.

DUBITATIO II.

Vtrum liceat occidere peccatores.

D. Thom. art. 2.

³ R Esponderetur affirmatiuè. Ratio est; quia pars est propter totum: quare ob totius conservacionem potest excidi: ergo cum singuli peccatores sint pars Reipub. ob eius incolumentem possunt occidi.

Notandum est, Scotum in 4.d. 15.q. 3. art. 2. docere, non quoquis peccatores posse à potestate publica occidi: sed eos dumtaxat, quos Deus in veteri Testamento expressit. Ratio est; quia Deus Exodi 22. & Matth. 5. absolute & generatum prohibet hominis occisionem: Non occidas. ergo non licet quemquam occidere, quantumvis ille malus sit, nisi Deo dispensante in suo præcepto. atqui Deus non dispensauit nisi circa quosdam peccatores, quos exceptit Exodi 22. & alibi. Hinc veterius infert, fures non posse occidi, quia non sunt excepti.

Sed hæc sententia defendi nequit. Primo, Nam D. Thomæ ratio generatum probat de omnibus peccatoribus Reipub. noxiis; quævis enim pars est propter totum, ergo ob totius incolumentem potest rescindi. Secundo, Quia si illos solos licebat occidere in veteri Testamento, quos Deus exceptit, nempe maleficos, blasphematos, adulterios, Sabbathum violantes, & paucos alios; ergo in novo Testamento nullos licebit occidere, quia illæ leges, quibus hi iubebantur occidi, erant iudiciales, accommodatae statui illius populi; ac proinde iam cessarunt: & in Scriptura noui Testamento nihil de his vel alius occidendis habemus. Hoc Julianus Apostata prætexens, Christianos priuabat Magistratus; ut haberet Socrates lib. 3. histor. c. 11. Tertiò, Principes ethnici laudabiliter occidere poterant

Scoti sententia, fures occidi non posse.

Contra-ratiuum probatur.

malefactores: (qui tamen Scripturam non legerant, vt possent scire quos Deus excepisset) vt patet ad Rom. 13. Non sine causa gladium portat, Dei enim minister est, vindex in iram illi, qui male agit. Vide D. August. lib. 1. de ciuitate cap. 21. Denique Scotti sententia infirmo nititur fundamento; nam præceptum Non occides intelligitur tantum de innocentibus, iuxta illud, *Justum & innocentem non occides, quo modo intelligitur.*

DUBITATIO III.

Vtrum priuata auctoritate liceat interficere maleficos.

D. Thomas art. 3.

⁵ R Espondeo, Non licere priuata, sed dumtaxat publica auctoritate, quod intellige de occisione ad punitionem, non ad necessarium sui defensionem. Ratio est; quia non licet interficere peccatores, nisi ob bonum Reipub. sicut non licet amputare membrum, nisi ob salutem corporis: atqui procuratio boni publici periret ad publicam potestatem, qua est in Principe, vel Magistratu: ergo ad solum Principem pertinet, malefactores ē medio tollere; sicut ad solum suppositum, membrum secare. Vide D. August. l. 1. de Ciuit. cap. 17. 21. 26. & Gratianum 23. q. 5.

Nec obstat, quod interdum permittatur, vt qui quis possit occidere publicos hostes Reipubl. vt latrones & proscriptos, quos Bannitos vocant; quia tunc non occiduntur auctoritate priuata, sed publica, concessa à Principe, qui illam dare potest; primo, quando alia via malum impendens auerti nequir: vt sèpè accidit in coniurationibus. secundò, quando criminosis alia ratione castigari non potest; tamen illum castigari omni modo expediat, vel ad terrorem aliorum, vel ne plura scelerata patret; vt fit in Bannitis. vide infra num. 15. Dubit. 5.

DUBITATIO IV.

Vtrum homini priuato liceat interficere tyrannum.

⁶ A Lphonsus à Castro lib. de hæresibus v. Tyrannus, sentire videtur nullum tyrannum ab homine priuato posse interfici: idque probare conatur multis argumentis. Verum distinctione vñcepti.

Respondeo igitur, dupliciter fieri posse, vt quis sit Tyrannus. Primo, ratione tituli, nempe si abs. Tyrannus duplex. quæ illo Iure, armis principatum inuadat, vel occupet; sicut Turea regna Orientis, & alia vicina. Talis potest à quoquis de regno interfici. est communis sententia DD. D. Thomæ 2. Sententiarum d. ultima q. 2. a. 2. ad 5. vbi pro hac sententia adducit Ciceronem laudantem eos, qui Cæsarem, quamvis familiarem & amicum, occiderunt; eumq; explicans ait: *Tullius loquitur in eo casu, quando aliquis dominium sibi per violentiam surripit, nolentiibus subditus; vel etiam ad consensum coactus;* & quando non est recursum ad Superiorem, per quem iudicium de inuasore fieri possit. Tunc enim qui ad liberationem patrie tyrannum occidit, laudatur & præmium accepit. Idem eruditè docet Caiet. q. 64. a. 3. Sotus